

圣贤语录

光明文库·中国优秀传统文化点睛丛书

光明日报出版社

(京)新登字第 101 号

图书在版编目 (CIP) 数据

圣贤语录/杨宝发编.-北京:光明日报出版社,1994年.10
(光明文库·中国优秀传统文化点睛丛书)
ISBN 7-80091-615-4

I 圣… II. 杨… III. ①老子-语录②孔子-语录③墨子-
语录 IV. B220.4

中国版本图书馆 CIP 数据核字 (94) 第 13653 号

光明日报出版社出版发行

(北京永安路 106 号)

邮政编码: 100050

电话: 3017788-225

新华书店北京发行所经销

北京市平谷玉福印刷厂印刷

850×1168 1/32 3印张 字数 35 千字

1995 年 1 月第 1 版 1995 年 1 月第 1 次印刷

印数: 1—10,000 册

ISBN 7-80091-615-4/C·10

定 价: 3.80 元

(凡购买本社出版的图书,如有缺页、倒页者,本社发行部负责调换)

内 容 提 要

《易经》为六经之首，其核心思想使我们从中华初祖伏羲联想到东方文化的一切奥秘。

《道德经》老子的精辟论述，是中国文化的大道之源。

《论语》教育了一代代中国人，以至有“半部论语治天下”之语。

《孟子》、《孙子》、《墨子》、《黄帝内经》在中华民族的历史长河中，都有着光辉的地位。

为了让上述各篇中的精华普及，我们试选出若干段编成《圣贤语录》。为方便大家书写，用三种字体成书。

道 德 经

圣人无常心，以百姓心为心。善者吾善之，不善者吾亦善之，德善。信者吾信之，不信者吾亦信之，德信。

四十九章

知我者希，则我者贵，是以圣人被褐怀玉！

七十章

人法地，地法天，天法道，道法自然。

十五章

孔德之容，惟道是从。道之为物，惟恍惟惚。惚兮恍兮，其中有象；恍兮惚兮，其中有物；窈兮冥兮，其中有精，其精甚真，其中有信。自古及今，其名不去，以阅众甫。

二十一章

贵以身为天下，若可寄天下；爱以身为天下，若可托天下。

十三章

圣人处无为之事，行不言之教。

二章

执古之道以御今之有，能知古始，是谓道纪。

十四章

以正治国，以奇用兵，以无事取天下。

五十七章

致虚极，守静笃。

十六章

见素抱朴，少私寡欲。

十九章

故从事于道者：道者同于道，德者同于德，失者同于失。同于道者，道亦乐得之；同于德者，德亦乐得之；同于失者，失亦乐得之。

二十三章

清静为天下正。

四十五章

含德之厚，比于赤子。

五十五章

天道无亲，常与善人。

七十九章

我无为而民自化，我好静而民自正，我无事而民自富，我无欲而民自朴。

五十七章

其政闷闷，其民淳淳。其政察察，其民缺缺。

五十八章

祸兮，福之所倚；福兮，祸之所伏。

五十八章

我有三宝，持而保之：一曰慈，二曰俭，三曰不敢为天下先。慈，故能勇，俭，故能广，不敢为天下先，故能成器长。

六十七章

上士闻道，勤而行之；中士闻道，若存若亡；下士闻道，大笑之。不笑不足以为道！

四十一章

强梁者不得其死，吾将以为教父。

四十二章

道生一，一生二，二生三，三生万物。万物负阴而抱阳，冲气以为和。

四十二章

为学日益，为道日损，损之又损，以至于无为。无为而无不为。

四十八章

道生之，德畜之，物形之，势成之。是以万物莫不尊道而贵德。道之尊，德之贵，莫之命，而常自然。

五十一章

治大国若烹小鲜。以道莅天下，其鬼不神。

六十章

天将救之，以慈卫之。

六十七章

善为士者不武。

六十八章

善用人者为之下。

六十八章

故抗兵相加，哀者胜矣。

六十九章

天网恢恢，疏而不失。

七十三章

吾言甚易知，甚易行。天下莫能知，莫能行。

七十章

民不畏威，则大威至。

七十二章

贵以贱为本，高以下为基。

三十九章

为之于未有，治之于未乱。

六十四章

功成事遂，百姓皆谓“我自然。”

十七章

是以圣人，后其身而身先，外其身而身存。非以其无私邪？故能成其私。

七章

为无为则无不治。

三章

大方无隅，大器晚成。

四十一章

修之于身，其德乃真；修之于家，其德乃余；修之于乡，其德乃长；修之于国，其德乃丰；修之于天下，其德乃普。

五十四章

重积德则无不克。无不克则莫知其极。是谓深根、固柢、长生、久视之道。

五十九章

图难于其易，为大于其细。天下难事，必作于易，天下大事，必作于细。是以圣人终不为大，故能成其大。

六十三章

易 经

系 辞 上 传

乾以易知，坤以简能。易则易知，简则易从。易知则有亲，易从则有功。有亲则可久，有功则可大。可久则贤人之德，可大则贤人之业。易简，而天下之理得矣；天下之理得，而成位乎其中矣。

一章

易与天地准，故能弥纶天地之道。

四章

仰以观于天文，俯以察于地理。是故知幽明之故。原始反终，故知死生之说。精气为物，游魂为变，是故知鬼神之情状。

四章

与天地相似，故不违。知周乎万物，而道济天下，故不过。旁行而不流，乐天知命，故不忧。安土敦乎仁，故能爱。

四章

范围天地之化而不过，曲成万物而不遗，通乎昼夜之道而知，故神无方而易无体。

四章

一阴一阳之谓道，继之者善也，成之者性也。

五章

仁者见之谓之仁，知者见之谓之知，百姓日用而不知，故君子之道鲜矣！

五章

富有之谓大业，日新之谓盛德。

五章

生生之谓易，成象之谓乾，效法之谓坤，极数知来之谓占，通变之谓事，阴阳不测之谓神。

五章

易无思也，无为也，寂然不动，感而遂通天下之故，非天下之至神，其孰能与于此。

十章

夫易，圣人之所以极深而研几也。惟深

也，故能通天下之志；惟几也，故能成天下之务；惟神也，故不疾而速，不行而至。

十章

易曰：“自天佑之，吉无不利。”

十二章

是故形而上者谓之道，形而下者谓之器。

十二章

系辞下传

天地之大德曰生，圣人之大宝曰位，何以守位曰仁，何以聚人曰财。理财正辞，禁民为非曰义。

一章

易穷则变，变则通，通则久。

二章

天下何思何虑？天下同归而殊途。

五章

善不积不足以成名，恶不积不足以灭身。

五章

易之为书也，不可远；为道也，屡迁。变动不居，周流六虚，上下无常，刚柔相易，不可为典要，唯变所适。

八章

论 语

述而篇第七

7·6 志于道，据于德，依于仁，游于艺。

学而篇第一

1·2 君子务本，本立而道生。

1·1 学而时习之，不亦说乎？有朋自远方来，不亦说乎？人不知而不愠，不亦君子乎？

1·5 道千乘之国，敬事而信，节用而爱人，使民以财。

1·6 子曰：入则孝，出则弟，谨而信，泛爱众而亲仁，行有余力，则以学文。

1·8 子曰：君子不重则不威，学则不固。主忠信，无友不如己者，过则勿惮改。

1·12 有子曰：礼之用，和为贵。先王之道，斯为美，小大由之。有所不行，知和而和，不以礼节之，亦不可行也。

1·16 不患人之不己知，患不知人也。

为政篇第二

2·1 子曰：为政以德，譬如北辰，居其所而众星拱之。

2·3 子曰：道之以政，齐之以刑，民免而无耻。道之以德，齐之以礼，有耻且格。

2·4 子曰：吾十有五而志于学，三十而立，四十而不惑，五十而知天命，六十而耳顺，七十而从心所欲，不踰矩。

2·10 子曰：视其所以，观其所由，察其所安，人焉廋哉？人焉廋哉？

2·11 子曰：温故而知新，可以为师矣。

2·12 子曰：君子不器。

2·14 子曰：君子周而不比，小人比而不周。

2·16 子曰：攻乎异端，斯害也已。

2·17 子曰：知之为知之，不知为不知，是知也。

2·19 哀公问曰：何为则民服？孔子对

曰：举直错诸枉，则民服；举枉错诸直，则民不服。

2·22 子曰：人而无信，不知其可也。

2·24 子曰：见义不为，无勇也。

八佾篇第三

3·13 子曰：获罪于天，无所祷也。

3·20 子曰：关雎，乐而不淫，哀而不伤。

里仁篇第四

4·1 子曰：里仁为美。择不处仁，焉得知？

4·2 子曰：不仁者不可以久处约，不可以长处乐。仁者安仁，知者利仁。

4·3 唯仁者能好人，能恶人。

4·4 苟志于仁矣，无恶也。

4·5 子曰：富与贵，是人之所欲也，不以其道得之不处也。贫与贱，是人之所恶也，不以其道得之不去也。

君子去仁，恶乎成名。君子无终食之间违仁，造次必于是，颠沛必于是。

4·8 子曰：朝闻道，夕死可矣。

4·14 子曰：不患无位，患所以立。

4·16 子曰：君子喻于义，小人喻于利。

4·17 子曰：见贤思齐焉，见不贤而内自省也。

4·25 德不孤，必有邻。

公冶长篇第五

5·21 子曰：宁武子，邦有道，则知；邦无道，则愚。其知可及也，其愚不可及也。

雍也篇第六

6·4 子曰：君子周急而不继富。

6·13 子谓子夏曰：女为君子儒，无为小人儒。

6·18 子曰：质胜文则野，文胜质则史，文质彬彬，然后君子。

6·19 子曰：人之生也直，罔之生也幸而免。

6·20 子曰：知之者不如好之者，好之者不如乐之者。